

Morning Regional Dogri News Bulletin, 30th August 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- कनून नाफिज करने आलिए अजेसियसं आदर्श आचार संहिता दे लागू होने दे 12 दिनें दे अंदर-अंदर 5 करोड़ 11 लख रपे दे नशीले पदार्थ, शराब ते नकदी जब्त कीती ऐ।
- जम्मू दे डिवीजनल कमीशनर होरें डोडा च औंदे असैंबली चुनाएं लेई कीते जा'रदे प्रबंधें दा जायजा लैता।
- मुख् सचिव अटल डुल्लू होरें जम्मू कश्मीर च मते थमां मते आयूष आरोग्य केन्द्र खडेरने लेई गलाया ते 2024-25 लेई सलाना कार्ययोजना गी मंजूरी देने लेई गवर्निंग बॉडी दी बैठक दी अध्यक्षता कीती।
- अमरीका दी दर्जेबंदी आली अजेसी मूडी नै माली ब'रे 2024 लेई भारत दे सकल घेरलु उत्पाद च बाद्धे सरबंधी अंदाजा बधाइयै 7.2 फीसद करी दित्ता ऐ।

<><><><><><>

MCC Enforcement Agencies

जम्मू कश्मीर च असैंबली चुनाएं दी तरीकें दा ऐलान होने मगरा गै 12 दिनें दे अंदर जम्मू कश्मीर दी कनून नाफिज करने आलिए अजेसिएं 5 करोड़ 11 लख रपे दी लागत दे नशीले पदार्थ सनें नकदी ते शराब जब्त कीती ऐ। पुलस विभाग नै 5 करोड़ 2 लख रपे दा एसजीएसटी/सीटी नै 52 लख ते एनसीबी नै 11 लख रपे दे समेयान जब्त कीते न। चुनां विभाग नै कनून नाफिज करने आलिए अजेसिएं दी इस कारवाई दी सराहना कीती ऐ, जेह्दे करी केन्द्र शासत प्रदेश जम्मू कश्मीर च चुनां निरपक्ख ते आजादाना ढंगा सिर जकीनी बनाने च मदाद थहोग। चुनां सरबंधी गतिविधिएं उप्पर नेड़मी तक रखने लेई जम्मू ते श्रीनगर च सीईओ दफतरै च नियंत्रण कक्ष स्थापत कीते गेदे न।

<><><><><><>

PM-Pragati Meeting

जम्मू दे डिवीजनल कमीशनर रमेश कुमार होरें कल डोडा दे डीसी दपतर दे कांफ्रेंस हाल च इक उच्च स्तरीय बैठक लाइये औं दे असेंबली चुनाएं दिएं तैआरिं दा जायजा लैता। डिवीजनल कमीशनर होरें मतदान अमले लेई ट्रांसपोर्ट योजना चुनां सरबंधी मशीनें ईवीएम ते जिले आस्सेआ चुनाएं लेई कीती जा'रदिएं होर दुए प्रबंधे बारे व्यापक ब्यौरा हासल कीता। इस मौके जिला चुनां अधिकारी हरविंदर सिंह होरें मतदान केन्द्रें दी व्यापक जानकारी दे कन्नो कन्नी ईवीएम ते वीवीपीएटी बारे ब्यौरा सांझा कीता। डिवीजनल कमीशनर होरें सब्बने नोडल अफसरें ते दुए सरबंधत अधिकारिं गी चुनां प्रक्रिया दरान कुसा बी चुनौती शा निबड़ने लेई पूरी चाल्ली नै सर्तक ते तैआर रौहने दे निर्देश जारी कीते।

<><><><><><><>

Chief Secretary

मुख्य सचिव अटल डुल्लू होरें कल जम्मू कश्मीर आयूष सोसायटी ते राष्ट्रीय आयूष मिशन दी गवर्निंग बॉडी दी बैठक दी अध्यक्षता कीती जेहदा एजेंडा 2024-25 लेई अपनी सलाना कार्य योजना गी मंजूरी देना हा। इस मौके मुख्य सचिव होरें विभाग गी बक्ख-बक्ख तरीके राएं आयूष आरोग्य गी लोके तगर पजाने लेई सब्बे लोड़चदे जतन करने लेई गलाया। उनें निजी धड़े गी स्कीमें थमां लाह ठोआने ते केन्द्र शासत प्रदेशें दे बक्ख-बक्ख थाहरें ते चेचा करी सैलानी थाहरें उप्पर आयूष केन्द्र खडेरने दा बी सुझाह दित्ता। विभाग गी अपने सब्बने कम्में गी समें उप्पर पूरा करने ते होर दुइएं आयूष सरबंधी सहूलते गी मते शा मते लोके तगर पजाने लेई बी गलाया गोआ।

<><><><><><><>

Poonch Election

पुंछ लेई चुनावी खर्चे सरबंधी निगरान भारत रामचन्द्रा होरें चुनावी खर्चे बारे भारती चुनां आयोग दे दिशा-निर्देशें दी सख्ती कन्नै पालमा जकीनी बनाने लेई जिले च कीते गेदे हीलें दा कल जायजा लैता। खर्चे सरबंधी निगरान होरें पूरी चुनां प्रक्रिया दरान दिशा-निर्देशें दी सख्ती नै अमलावरी जकीनी बनाने दे महत्व उप्पर जोर पाया ते चुनाएं दी विश्वसनीयता बरकरार रखने च खर्चे दी निगरानी आली टीम दी महत्वपूर्ण भूमका दा बी जिक्र कीता। उनें सरबंधत अफसरें ते कर्मचारिं गी आखेआ जे ओह पूरे पेशेवर तरीके कन्नै अपनी जिम्मेदारिं गी अंजाम देन।

उनें स्टैटिक निगरानी टीम गी निर्देश दित्ता जे ओह बिजन कुसै ढिल्ल दे हर इक गड्डी दी जांच करन ते संदिग्ध-नगदी जां समेयान गी पक्क गै जब्त करी लैन।

<><><><><><>

Udhampur Election

उधमपुर दे जिला चुनां सीगें नै कल डीसी दफतर ते जिला कोर्ट परिसर च व्यवस्थित मतदाता शिक्षा ते चुनावी कार्यक्रम तैहत "लोकतंत्र दे रंग" विशे उप्पर रंगीली दा आयोजन कीता। इस मौके उप्पर जिला चुनां अधिकारी सलोनी राय होर मुख् परौहनियां हियां, इस कार्यक्रम दा उद्देश्य लोकें ते चेचा करी नोजवानें गी अपने वोट पाने दे अधिकार बारे रचनात्मक तरीके कन्नै जानकार करना हा। इस मौके प्रतिभागिएं गी संबोधत करदे होई डीईओ होरें नोजवानें गी गलाया जे ओह अपने परोआर, दोस्तें, रिश्तेदारें ते गोआंढिएं गी प्रेरित करन जे ओह औंदे असैंबली चुनाएं च बधी-चढ़ियै हिस्सा लैन।

<><><><><><>

Election Kathua

स्वीप पैह्लकदमी तैहत कटुआ एससी-67 चुनावी हल्के दे वोटरें गी प्रेरित करने ते उनेंगी वोट पाने दे महत्व बारे जानकार करने लेई केई गतिविधिएं दा आयोजन कीता गेआ। इनें कार्यक्रमें च हर इक वोटर गी औंदे चुनाएं दा हिस्सा बनने दे वोट पाने दे अपने हक दी इस्तेमाल करने बारे जानकार करना शामिल हा। इस दरान प्रतिभागिएं असरदार ढंगा कन्ने सनेह लोकें तगर पजाने लेई पोस्टर तैआर कीते, जेहदे च वोट पाने दे महत्व, पंजीकरण प्रक्रिया ते वोट पाने दी तरीकें गी दर्शाया गेदा हा। एह पोस्टर नोजवानें ते लोकें गी चुनां प्रक्रिया दा हिस्सा बनने लेई उंदे दिल बधाने दा इक असरदार माध्यम न एहदे बारे साढे संवाददाता कन्ने गल्ल करदे होई किश विद्यार्थिएं आखेआ...बाईट

<><><><><><>

Real GDP India

अमरीका दी दर्जबंदी आली अजेंसी मूडीज नै माली ब'रे 2024 आस्तै भारत दे सकल घरेलु उत्पाद जीडीपी च बाद्धे दा अनुमान जाहर कीता ऐ। एह हुन बधाइयै 7.2 फीसद कीता गेआ ऐ जेहड़ा मूडीज दे पिछले अंदाजे 6.8 फीसद थमां मता ऐ। न्यूयार्क आधारित दर्जबंदी सरबंधी अजेंसी मूडी नै ब'रे 2025 आस्तै 6.6 फीसद दा अनुमान जाहर कीता ऐ, जेहड़ा पैहले 6.4 फीसद हा।

इनें संशोधित अनुमानें आली रिपोर्ट मजबूत ते व्यापक विकास पर आधारित बेहतर व्यवसायिक स्थितिएं थमां प्रेरित दस्सेआ गोआ ऐ। रिपोर्ट मुजब सख्त माली मौद्रिक नीति ते व्यापक ते बड्डे आधार पर विकास-बाददे आले जतनें दे बावजूद 2024 दी पैहली तिमाही च भारती अर्थबवस्था हर ब'रे 7 इशारिया 8 फीसद बधी ऐ।

<><><><><><>

India China

विदेश मंत्रालय नै जानकारी दित्ती ऐ जे भारत ते चीन नै असल कब्जा रेखा पर बले दे हालात पर कल गल्लबात कीती ते दौनें मुख्य जमीनी सतह पर रमानदारी बरकरार रखने लेई सैहमत बी होए न। विदेश मंत्रालय मूजब कल बीजिंग च भारत-चीन सीमा मामले पर सलाह सूत्र ते तालमेल सरबन्धी कार्य प्रणाली डब्ल्यूएमसीसी दी 31मीं बैठक लग्गी जेह्दे च बड़े साजगार माहौल च रचनात्मक ढंगे कन्नै बचार बंटादरा कीता गोआ। दौनें मुख्यें आपसी मतभेदे गी इक बक्खी रखदे होई बकाया मसले दे तौले नबेड़े पर सैहमति जताई ऐ। एह्दे लेई दवै मुख्य फौजी ते कूटनीतिक स्तर पर गल्लबात अगगे बधाने लेई बी राजी होई गे न।

<><><><><><>

ECI Notification

भारती चुनां आयोग नै जम्मू कश्मीर च दुए गेड़ दे असेंबली चुनाएं लेई कल अधिसूचना जारी करी दित्ती। इस गेड़ तैहत गांदरबल, श्रीनगर, बडगाम, रियासी, राजौरी ते पुंछ जिले दे 26 विधानसभा हल्के च मतदान होना ऐ। इंदे चा 15 हल्के कश्मीर खित्ते च न ते 11 हल्के जम्मू खित्ते च। जम्मू संभाग दिएं ऐकड़ी 11 असेंबली सीटें च गुलाबगढ़, रियासी, श्री माता वैष्णो देवी, कालाकोट-सुंदरबनी, नौशैहरा, राजौरी, बुद्धल, थन्नामंडी, सुरनकोट, पुंछ-हवेली ते मेंढर आलियां सीटां शामिल न। अधिसूचना मूजब नामांकन भरने दी खीरी तरीक 5 सितम्बर ऐ ते नामजदगिएं आले कागजें-पत्रें दी जांच 6 सितम्बर गी कीती जाग। मेदवार जगर चाहन तां 9 सितम्बर तगर अपना नां वापस लेई सकदे न। इस गेड़ लेई वोट 25 सितम्बर गी पोआए जांगन। मतदान बडलै 7 बजे शुरू होग ते संजा 6 बजे तगर जारी रौहग।

<><><><><><>

Election Kashmiri Migrants

कश्मीरी विस्थापत मतदाताएं दिएं चुनावी जरूरतें गी पूरा करने ते चुनाएं च उंदी शमूलियत जकीनी बनाने लेई जम्मू कश्मीर दे चुनां विभाग नै कश्मीरी विस्थापतें लेई मतदाता सूचि दा मसौदा प्रकाशित कीता ऐ।

एहदे अलावा जम्मू च 19 विशेष मतदान केन्द्रें गी कैपें ते जोनें कन्नै जोड़ेआ गेदा ऐ ते इस गल्लै गी पक्का कीता गेआ ऐ जे हर जोन च घट्टोघट्ट इक विशेष मतदान केन्द्र पक्क गै होए। कश्मीरी विसीपतें वैबसाइट www.jkmigrantrelief.nic.in पर जाइयै इस बारे ब्यौरे दी जांच करी सकदे न। जेह्ड़े कश्मीरी विस्थापत मतदाताएं दे नां मसौदा सूचि च शामिल न ते जिंदे नां इस मसौदा सूचि च नेईं हैन, ओब्बी अस्सिस्टेंट रिटर्निंग अफसर, माइग्रै जम्मू दे दफतर जां पही अपने सरबंधत जोनल अफसरें जां बीएलओएं दे दफतर कन्नै राबता करी सकदे न।

<><><><><><>

DC Ramban

रामबन दे डिप्टी कमीशनर बसीर उल हक चौधरी ते एसएसपी कुलबीर सिंह होरें राजगढ़ च जंदी 26 अगस्त गी बद्दल फटने करी प्रभावत होए दे इलाके दा कल दौरा लाया। डिप्टी कमीशनर होरें उत्थें होए दे नुक्सान दा जायजा लैता ते प्रभावत लोकें लेईं जारी राहत सरबंधी उपाएं दी बी समीक्षा कीती। उनें इस कुदरती क्रोपी च होए दे जान-माल दे नुक्सान पर दुख जताया। एसडीआरएफ ते मकामी टीमें लापता होए दे 7 लोकें चा 3 दे शव बरामद करी लैते दे न। बाकी दे लोकें दा पता लाने लेईं तपाश मुहिम बरोबर जारी ऐ। डिप्टी कमीशनर होरें लोकें ते खास तौर पर विद्यार्थिं गी आखेआ जे ओह बरखें दरान नालें गी पार करदे बेल्ले मती एहतियात बरतन ते अपनी सुरक्षा जकीनी बनान।

<><><><><><>

Samba Festival

सांबा जिले च बी कल महिलाएं अपने बच्चें दी नरोईं सेहत ते लम्मी उमर लेईं बच्छ-दुआ दा व्रत रखेआ। देश दे बक्ख-बक्ख हिस्सें च रवा'रदियां महिलाएं कल एह व्रत रखेआ। एहदे बारे होर जानकारी कन्नै साढ़े सांबा दे संवाददाता.....

<><><><><><>